

(bwanchani tiori) "... koenena. Tiori gwetogia, tibokomocha koban a ogosika, tiori kobeeigwa, na tiori kobara ayare amabe." (1 Abakorinto 13:5, NIV)

Nyasae tari kogacha kera ekebe kegorwa ng'a erio kera ekemo keegwe egesusuro .kera egesusuro nigo gepimire kera ekebe buna keragetwe korwa omochakano. Ekeru Nyasae agotebwa ng'a ngosusura are gose konacha are ekina ekio torarore buna ogwaakana egesiomba neri ng'a nogwaanchera giatetigwe korwa omochakano kebe bo.

- "Ebibe nigo biraite omokori amabe ..." (Zaburi 34:21)
- "... ebibe biakana eng'eria yaye—amakweri ..." (Abarumi 6:23)
- "...naki kende gionsi omento agosimeka, nakio arache kogesa." (Abagalatial 6:7)
- "Na okogania koria okobe gokwabogorie oborito kwaibora ebibe, na ebibe birria kobiakinire, biarenta amakweri." (Yakobo 1:15)

Obokeene mboria nga ande taiyo ebibungo bikoorkia nga 'konacha ebina boronge' negesusuro gekorwegwa.

### Naki ebuku egotumia 'okonacha ebina kwa boronge'

"Oboronge na ekeene nabio bire oboroso bw'okogamba kwao, obwanchani bwa kare na kare, na obwegenwa, nigo bitang'aine bosio bwao (Zaburi 89:14)

Igaiga okonacha ebina bia boronge nokoorkia amabera na gokorera amaene. Obwo nobosera bwa igoro ekero amabera akworokigwa na kwaberwa. Nyasae nigo agokora ayaboronge. Ekerenga kia nyasae nokogwenia na gotoria nakio gekogera togokwana igoro ya enchiri ime ye ebuku ekogwenia.

Aria akorikwa n abachabi ba rero nkonyarekana ere batubora ebina ebikoro korora buna bianachetwe erio ebina bono binachwe ase okobwekania nario ogwakania egesiomba gotabee ao.



Eke kiabeka maiso marore nga kera ekebe goika keegwe egesusuro nga igoro nario tokonyora amachibu yemechando. Ekeene pi amachibu a boronge nokogwenia abaumisirwe nonya nase baria bakorire obokurumi. Okoabera nigo korabe eriogi rinene.

Rigereria omoibori ogotebia omwana oye takuna erriogo riogosibia chiombe ribekire ase igari rikogachwa 'nga rituko orakune amaene nokwe'Rituko erimo omwana okwanga koigwera amachiko ayio yomoibori na gokuna eriogo riria riogosibi chiombe na goetania abwo konywa ike Omwana oria goetera okonywa kwe eriogo riria okorwara oborwaire bwa leukemia. Obonachi ebina bwa boronge ninki boganetie?

Inee nigo omoibori agotiga omwana oria akwe Nonya nga omoibori oria obwate emeseto eratorie omwana oria? Inee omoibori oria nigo akorwa egesusuro ase omwana oye gose amwoite akwe erio goikerania keria richiko ribegete. Bono obonachi ebina bwa boronge bwokoorokia ase ensemu yobwanchani. Ninki obwanchani boganetie omoibori oyo akore. Goika atorie omwana oyo buna nyasae atotoretie.

(Obochabi 23.8) obotuki bonde obonge, chibicha, ebitabu biabosa na ayande amange igoro ya embu ya ekeene ya Nyasae bwobwamchani rigereria:

<https://characterofgod.org/resources/>

## Chinchera Ibere Chiokomanya Enchiri



### 3. Okonacha Ekina kwa oboronge kwa Nyasae

Omoroberio o'kabere togasoma ng'a amachiko onsi a Nyasae nigo arosetigwe na Nyasae bwo'bwanchani na omotongi oganeretie ebitongwa biaye obuya tari ere. Ekeru tokorengereria igoro yerichiko nigo tokorigereria egesusuro gekogenda na rirorio. Ase eng'encho ng'a amachiko a Nyasae nigo arosirie nekerenga igo nkereo kerakobere onye gokoyabuna. Nigo agotochika ntokora binto gete ekiagera tokobikora nigo bikorenta emechando ase tore na abande. Teri buya Nyasae korwa egesusuro. Ng'encho teiyo Nyasae gokora igo ekiagera egesusuro amatokeo aye naro agendererete gototanga korwa aroro.

Okonacha ekina kwa Nyasae tari ere gotoa egesusuro ekio aise gotoa kerasoane na **obonachi ebina bwa botambe** bwenchiri. Bono ere nigo agokora ayekeene gotokurera na gotorenda korwa ase obobe bonde bwensi. Kobwenia na gokeirania boronge ekio kegosoanana na **okobwenia gwe ebibilia** gwe enchiri. Amaereso oboene korwa ase chichera ibere chiechiri:

**Ebina bia botambe** – Igaiga okonacha ebina kwa boronge nigo kogantie eng’eria ya amakweri na goatananwa korua ase Nyasae kare na kare. Aya nigo agoisanekiwa ekero oyo ore na amamocho agwaakana egesusuro eke gose omonto omwao kogeakana.

**Okogwenia gwe ebibilia** –konacha ekina nogokora ayare Amaya na koirania gochia ase are aronge, kogwenia na gotoria. Nigo ere boronge gokorera abanda buna aye omonyene oraganie gokorerwa, ntotwara egesiomba na kobara ebibe oyomino agokoreire. Konacha ekina kwa boronge nigo gokoeiroria.

Nere buya goteba ng’a Nyasae nigo are omonachi ebina bia boronge ekiagera ere nobwanchani. Tari ng’a are nobwanchani. Eere tari bwanchani ase eng’encho okonacha ebina bia boronge korende nigo are omonyaboronge ekiagera are obwanchani. Nigo togokora keria togokora ekiagera tore buna tore nobomwanyabanto bwaito. Nyasae ere nagenderete gokora aya boronge ekiagera are no bwanchani. Igo nabo tokoenekerigwa ng’a okonacha ebina bia boronge korarue ase Nyasae nigo korakorwe nobwanchani. Ebina bia boronge nigo bikorenda emesingi ya obwanchani, okonacha ebina kwa nyasae, nigo kogenderete koorokia obwanchani bwaye igo mbokoreta endamwamu yaye na goakana egesiomba. Korende nebe kegekora ase obuya bwaito tari obwaye.

Ekero tokomanya ng’a embwa yaye neyobwanchani [omoroberio 1] na korora ng’a amachiko aye nigo are ase obuya bwaito [omoroberio 2] nebe bwango komanya enchera okonacha ebina.



Ekero tokomanya ime mono obonachi ebina bwa boronge ase ebuku igo ntonyare koiraneria amachibu igoro yogotaakwa amagena gwa omoruoti Daudi ekero akorete obonyaka na goita Uri omohiti.



### **Obonachi Ebina cwa boronge ase ebuku**

Ebibungo bikoeresera okonacha ebina gwekeene:

"Esibie na mwechene: rusia ogokora kwaino okobe korwa ase amaiso aane; tiga gokora ayare amabe. Mweorokererie gokora ayare Amaya, rigia aya boronge; bakonye abwo bagokorerwa bobo; rwanerera chintakana, na monyorere ababoraka oboronge bwabo." (Isaya 1:16-17)

"Inwe abanto bororeri rwa Daudi. Aya naro Omonene agoteba: mobe mokonacha ekina kia boronge kera emambia; omonto oria ounererigwe momorusie ase okoboko kwo omochandi oye ..." (Yeremia 21:12)

Okonacha ebina tari ing’a negesusuro korende nokonacherwa ebina bia boronge na kogitera abanto nobosibore bwabo.

Ekero tokounenka embu ya Nyasae bari bakogenda mamincha nigo bagoteba ng’a Nyasae nobwanchani na omonyaboronge erio goteba ng’a omoeri oye narwe egesusuro. Korende aya tari gotoka ande onsi ase ebibilia. Amariko nabo agoteba ng’a Nyasae nobwanchani (1 Yohana 4:8) na yateba nomonyaboronge (Deut 32:4). Inyora ng’a nyasae nobwanchani korende ogende mamincha yaye orende mono. Nigo agwonchora enchera akomanyete na koorokia obonachi ebina bwaye bwekeene. Enchera akonacha ebina buna egosomwa ime ye buku nigo akoorokia embu yo obwanchani yaoroki ng’a nigo agoikera abataka, ababoraka gose abagotire korende tari oyo ogoitera endamwamu buna abande bakagerete.

### **Naki Nyasae akonacha ebina bia boronge**

"Omonene bwemanyekanirie ase okonacha ebina bia boronge, abakori amabe babwatirwe ase ogokora kwabo banyene ..." (Zaburi 9:16)

‘Okonacha ebina bwa boronge’ ‘nogokorera ekeene’ gose koorokia ‘ebinto buna bibwenerete’ koba goetera amachiko a Nyasae arweete. Igo konacha ebina bia boronge nogochoa ebinto.koborokania na koirania kende kiabunekire mono obwamate.

Abande mbaborie obonachi ebina bwa boronge bogosoanana na ‘eriso ase eriso’inee. Musa nigo arenge goetia egetambokero kebwenerete kobwatia gose egesusuro gose egesiomba? Komanya ng’a amaroro a Nyasae yoborabu bw’o moika nigo bogenderete buna tokonya kobogwa na yeso neere okoorokia embwa ya Nyasae tiga ango torore ninki yeso atebete igoro ya ‘eriso ase eriso’ Yeso ekero achete natebete igoro ya egepimo kia igoro.

"Mwaigwete ng’a ndiatebetwe eriso ase eriso, na erino se erino, korende inche nabatebirie, timobaisa kwamererania noyore omobe. Korende omonto karagoake orosea rwa borio, omoonchorere norw’okobee." (Mathayo 5:38-39)

Ninki yeso akorete ekero twanachete ng’a nabwate obokeene bw’ogwakana egesiomba ekero abwatetwe Taamererete nonya yarengere akore bo:

"Gose tomanyeti ng’a ninyare gosaba Tata, na ere nantomere abamalaika kobua emeganda ikomi na ebere?" (Mathayo 26:53)

Ekiogokumia nkeri ng’a ekero agocha igoro yokonacha ebina bia boronge, kobeka ekio keraakane ebibe, tari rioka ng, a Nyasae tari goakana egesiomba naboigo tari kogacha na kobwatia ebibe erio arue egesusuro.